

BOSNA I HERCEGOVINA

Konkurencijsko vijeće



БОСНА И ХЕРЦЕГОВИНА

Конкуренцијски савјет

RJEŠENJE

po Zahtjevu za pojedinačno izuzeće od zabrane Sporazuma o regulisanju konkurencije između privrednih subjekata Jaegersberger GmbH Pernitz, Austrija kao kupca i privrednog subjekta ĆOSIĆPROMEX d.o.o. , Usora, BiH i fizičkog lica Mijo Ćosić, Sivša bb, Usora, BiH, kao prodavaca

**Sarajevo
septembar, 2015. godine**



Broj: 04-26-4-39-18-II/14
Sarajevo, 10.09.2015. godine

Na osnovu člana 25., člana 41. stav (1), a u vezi sa članom 4. stav (1) i (3), članom 5. i članom 6. stav (2) i (5) Zakona o konkurenciji („Službeni glasnik BiH“, br. 48/05, 76/07 i 80/09) u postupku pokrenutom po Zahtjevu za pojedinačno izuzeće od zabrane - Sporazuma o regulisanju konkurencije između privrednog subjekta Jaegersberger GmbH Pernitz, Austrija kao kupca i privrednog subjekta ĆOSIĆPROMEX d.o.o., Usora, BiH i fizičkog lica Mijo Ćosić, ¹(..)** kao prodavaca podnesen od strane privrednog subjekta “Jaegersberger GmbH“, Josef Nitsch Strasse 5, A-2762, Pernitz, broj: 04-26-4-39-II/14 od 11. novembra 2014. godine, Konkurencijsko vijeće Bosne i Hercegovine na 108. (stotinuosmoj) sjednici održanoj dana 10. septembra 2015. godine, donijelo je

R J E Š E N J E

1. Utvrđuje se pojedinačno izuzeće Sporazuma o regulisanju konkurencije između privrednog subjekta Jaegersberger GmbH Pernitz, Austrija kao kupca i privrednog subjekta ĆOSIĆPROMEX d.o.o., Usora, BiH i fizičkog lica Mijo Ćosić, (..)** kao prodavaca, u smislu člana 4. st. (1) i (3) i člana 5. Zakona o konkurenciji.
2. Pojedinačno izuzeće iz tačke (1) dispozitiva ovog Rješenja, utvrđuje se na vremenski period od 5 (pet) godina, i počinje teći od dana zaključenja Sporazuma o regulisanju konkurencije između privrednog subjekta Jaegersberger GmbH Pernitz, Austrija kao kupca i privrednog subjekta ĆOSIĆPROMEX d.o.o., Usora, BiH i fizičkog lica Mijo Ćosić, (..)**.
3. Ovo Rješenje je konačno i bit će objavljeno u Službenom glasniku Bosne i Hercegovine, službenim glasilima entiteta i Brčko distrikta Bosne i Hercegovine.

O b r a z l o Ź e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 11. novembra 2014. godine pod brojem: 04-26-4-39-II/14, Zahtjev za pojedinačno izuzeće od zabrane - Sporazuma o regulisanju konkurencije između privrednog subjekta Jaegersberger GmbH Pernitz, Austrija kao kupca i privrednog subjekta ĆOSIĆPROMEX d.o.o., Usora, BiH i fizičkog lica Mijo Ćosić, (..)** kao prodavaca (u daljem tekstu: Zahtjev) podnesen od strane privrednog subjekta “Jaegersberger GmbH“, Josef Nitsch Strasse 5, A-2762, Pernitz, Austrija (u daljem tekstu: “Jaegersberger” ili Podnosilac zahtjeva) u smislu člana 29. Zakona o konkurenciji (u daljem tekstu: Zakon) radi utvrđivanja pojedinačnog izuzeća predmetnog Sporazuma, u smislu člana 4. st. (3) Zakona.

¹ (..)** - Podaci predstavljaju poslovnu tajnu, u smislu člana 38. Zakona o konkurenciji

Konkurencijsko vijeće uvidom u dostavljeni Zahtjev, je utvrdilo da isti nije potpun i kompletan, u smislu člana 29. stav (1) Zakona, te je aktom broj: 04-26-4-39-1-II/14 od dana 20. novembra 2014. godine, zatražilo dopunu istog.

Podnosilac zahtjeva je dostavio dio tražene dokumentacije, podneskom zaprimljenim pod brojem: 04-26-4-39-2-II/14 dana 28. novembra 2014. godine, pa je Konkurencijsko vijeće zatražilo dopunu istog, aktom broj: 04-26-4-39-3-II/14 od 02. decembra 2014. godine.

Podnosilac zahtjeva je zatražio produženje roka za dostavljanje preostale dokumentacije podneskom broj: 04-26-4-39-4-II/14 od 11. decembra 2014. godine, te imajući u vidu razloge koje je naveo Podnosilac zahtjeva kao obrazloženje za produženje roka, Konkurencijsko vijeće je ocijenilo opravdanim i odobrilo produženje roka, aktom broj: 04-26-4-39-5-II/14 dana 18. decembra 2014. godine.

Podnosilac zahtjeva je dopunio i traženu dokumentaciju dostavio Konkurencijskom vijeću dana 26. decembra 2014. godine, podneskom zaprimljenim pod brojem: 04-26-4-39-6-II/14.

Kompletiranjem predmetnog Zahtjeva, Konkurencijsko vijeće je na osnovu člana 28. stav (3) Zakona, dana 20. januara 2015. godine izdalo Potvrdu o prijemu kompletnog i urednog Zahtjeva, broj: 04-26-4-39-7-II/14.

U Zahtjevu Podnosilac zahtjeva u bitnom navodi:

(..)**.

Na osnovu navedenog, Podnosilac zahtjeva traži da Konkurencijsko vijeće donese odluku o pojedinačnom izuzeću predmetnog Ugovora, u smislu člana 5. stav (1) Zakona.

Konkurencijsko vijeće je na osnovu navoda iz Zahtjeva i dostavljene dokumentacije, ocijenilo da pojedinačno izuzeće predmetnog Ugovora, nije moguće utvrditi bez provođenja postupka, te je donijelo Zaključak o pokretanju postupka broj: 04-26-4-39-12-II/14 dana 29. jula 2015. godine (u daljem tekstu: Zaključak).

Konkurencijsko vijeće, u skladu sa članom 33. stav (1) Zakona, aktom broj: 04-26-4-39-13-II/14 je dana 29. jula 2015. godine, dostavilo Podnosiocu zahtjeva Zaključak.

1. Stranke u postupku

Stranke u postupku su privredni subjekt Jaegersberger GmbH Pernitz, R. Austrija kao kupac i privredni subjekt ČOSIĆPROMEX d.o.o., Usora, BiH i fizičko lice Mijo Čosić, (..)** kao prodavac.

1.1. Privredni subjekt “Jaegersberger GmbH“, Josef Nitsch Strasse 5, A-2762, Pernitz, Republika Austrija

Privredni subjekt “Jaegersberger GmbH“, Josef Nitsch Strasse 5, A-2762, Pernitz, Republika Austrija (u daljem tekstu: “Jaegersberger” ili Podnosilac zahtjeva) registrovan je u Pokrajinskom sudu Viener Nojštad pod registarskim brojem: FN 106677 d, osnovan dana 12.06.1970 godine, sa upisanim osnovnim kapitalom od (..)** EUR-a.

Privredni subjekt Jaegersberger bavi se različitim djelatnostima koji ne uključuju proizvodnju trafo-kotlova i njegovih dijelova.

Privredni subjekt "Jaegersberger" je ostvario u 2013. godini godišnji prihod u ukupnom iznosu od (..)** KM na svjetskom nivou ((..)** EUR-a) (1 EUR = 1.955830 obračunat po srednjem deviznom kursu Centralne banke na dan 13.01.2015. godine), dok na tržištu BiH nije ostvario prihod.

Privredni subjekt Jaegersberger nema povezanih niti zavisnih društava u Bosni i Hercegovini.

1.2. Privredni subjekt ĆOSIĆPROMEX d.o.o. Usora, Źabljak bb, Usora, BiH

Privredni subjekt ĆOSIĆPROMEX d.o.o. Usora, Źabljak bb, Usora, BiH registrovan je u Općinskom sudu Zenica pod registarskim brojem: 043-0RegZ-14-001203, a matični broj upisa je: 43-01-0365-10, sa upisanim osnovnim kapitalom od (..)** KM sa 100% vlasničkog udjela fizičkog lica Mije Ćosića (..)**.

Privredni subjekt ĆOSIĆPROMEX bavi se različitim djelatnostima koji ne uključuju proizvodnju trafo-kotlova i njegovih dijelova.

Privredni subjekt ĆOSIĆPROMEX je ostvario u 2013. godini godišnji prihod u ukupnom iznosu od (..)** KM na svjetskom nivou dok na tržištu BiH je ostvario prihod u ukupnom iznosu od (..)** KM.

1.3. Fizičko lice Mijo Ćosić, (..) osnivač i vlasnik privrednog subjekta ĆOSIĆPROMEX d.o.o. Usora**

Fizičko lice Mijo Ćosić, (..)**osnivač i vlasnik privrednog subjekta ĆOSIĆPROMEX d.o.o. Usora sa (..)** % vlasničkog udjela u navedenom privrednom subjektu dana 13. juna 2014. godine donio odluku o osnivanju novog privrednog subjekta čiji je osnivač ĆOSIĆPROMEX d.o.o. Usora, a koje će služiti ispunjenju zajedničkog poslovnog cilja ugovornih strana. Navedeni privredni subjekt će poslovati pod imenom „PREIS USORA“ d.o.o. Usora, Źabljak bb, Usora, BiH.

1.4. Privredni subjekt „PREIS USORA“ d.o.o. Usora, Źabljak bb, Usora, BiH

Privredni subjekt „PREIS USORA“ d.o.o. Usora, Źabljak bb, Usora, BiH registrovan je u Općinskom sudu Zenica pod registarskim brojem: 043-0RegZ-14-001000, a matični broj upisa je: 43-01-0393-14, sa upisanim osnovnim kapitalom od (..)** KM sa (..)** % vlasničkog udjela privrednog društva Jaegersberger iz R. Austrije i (..)** % vlasničkog udjela fizičkog lica Mije Ćosića, (..)**.

Pretežne registrovane djelatnosti privrednog subjekta PREIS USORA d.o.o. Usora su proizvodnja i trgovina trafo-kotlovima i pripadajućim dijelovima.

Privredni subjekt PREIS USORA d.o.o. Usora je osnovan u 2014. godini te nema ostvarenih prihoda.

2. Pravni okvir predmetnog postupka

Konkurencijsko vijeće je u provođenju predmetnog postupka primijenilo odredbe Zakona o konkurenciji, Odluke o grupnom izuzeću sporazuma između privrednih subjekata koji djeluju na različitim nivoima proizvodnje odnosno distribucije (vertikalni sporazumi) („Službeni glasnik BiH“, broj 18/06), Odluke o grupnom izuzeću sporazuma o prenosu tehnologije, licenci i know-how („Službeni glasnik BiH“, broj 15/06), kao i Odluku o utvrđivanju relevantnog tržišta („Službeni glasnik BiH“, br. 18/06 i 34/10).

3. Pravni osnov predmetnog postupka

Pravni osnov predmetnog postupka je Sporazum o regulisanju konkurencije zaključen dana 05. avgusta 2014. godine između privrednog subjekta Jaegersberger GmbH Pernitz, Austrija kao kupca i privrednog subjekta ĆOSIĆPROMEX d.o.o., Usora, BiH i fizičkog lica Mijo Ćosić, (..) ** kao prodavaca označeni zajednički kao „Ugovorne strane“.

Navedenom ugovoru prethodilo je zaključenje Ugovora o regulisanju međusobnih odnosa od dana 05. avgusta 2014. godine kojim je dogovoreno da se izvrši prenos udjela u novo društvo.

Sporazumom o regulisanju konkurencije (..) **..

4. Relevantno tržište

Kako bi utvrdilo da li su ispunjeni uslovi za pojedinačno izuzeće, Konkurencijsko vijeće je prilikom ocjene predmetnog ugovora utvrdilo relevantno tržište proizvoda / usluga i relevantno geografsko tržište u skladu sa članom 3. Zakona, te odredbama Odluke o utvrđivanju relevantnog tržišta.

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda / usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

S obzirom da se će se privredni subjekt PREIS USORA d.o.o. Usora, baviti isključivo proizvodnjom i trgovinom trafo-kotlovima i pripadajućim dijelovima, Konkurencijsko vijeće je kao relevantno tržište odredilo tržište proizvodnje i trgovine trafo-kotlova, varenih konstrukcija i sporednih proizvoda.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili značajan dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Privredni subjekt PREIS USORA d.o.o. Usora će na osnovu predmetnog Sporazuma djelovati na cijeloj teritoriji Bosne i Hercegovine.

S obzirom da privredni subjekt PREIS USORA d.o.o. Usora djeluje na cijeloj teritoriji Bosne i Hercegovine, Konkurencijsko vijeće je kao relevantno geografsko tržište u predmetnom postupku utvrdilo teritoriju Bosne i Hercegovine.

Konkurencijsko vijeće je u skladu sa navedenim, utvrdilo da je relevantno tržište predmetnog postupka, tržište proizvodnje i trgovine trafo-kotlova, varenih konstrukcija i sporednih proizvoda na teritoriji Bosne i Hercegovine.

4.1. Analiza relevantnog tržišta

Prilikom ocjene predmetnog Sporazuma, Konkurencijsko vijeće je od Podnosioca zahtjeva tražilo dostavljanje finansijskih i drugih relevantnih podataka /analiza, a u cilju sveobuhvatne analize relevantnog tržišta.

Tržišna učešća potpisnika Sporazuma na relevantnom tržištu proizvodnje i trgovine trafo-kotlova, varenih konstrukcija i sporednih proizvoda na teritoriji Bosne i Hercegovine iznose 0%, s obzirom da se privredni subjekti Jaegersberger GmbH Pernitz, Austrija i ČOSIĆPROMEX d.o.o., Usora, BiH bave potpuno različitim djelatnostima, te da će jedino imati preklapanje djelatnosti u novoosnovanom privrednom subjektu PREIS USORA d.o.o. Usora, BiH.

Prema Podnosiocu zahtjeva i njegovim saznanjima u BiH ne postoje društva koja se trenutno bave proizvodnjom trafo-kotlova i pripadajućih dijelova, tako da tržišni udio konkurencije iznosi 0%.

Tokom postupka radi utvrđivanja svih relevantnih činjenica, u smislu odredbi člana 35. stav (1) tačke a) i c) Zakona, Konkurencijsko vijeće je prikupljalo podatke i dokumentaciju i od drugih tijela/institucija koje nisu stranke u postupku.

Slijedom navedenog, Konkurencijsko vijeće je zatražilo podatke i dokumentaciju od Agencije za statistiku BiH aktom broj: 04-26-4-39-10-II/14 od 06.07.2015. godine i aktom broj: 04-26-4-39-11-II/14 od 27.07.2015. godine koji se odnose na privredne subjekte koji se bave proizvodnjom trafo-kotlova i njegovih pripadajućih dijelova u BiH.

Agencija za statistiku BiH dopisom broj: 04-26-4-39-17-II/14 od 30.07.2015. godine dostavila nam je odgovor da na osnovu uvida u Statistički poslovni registar ne raspolažu podatkom o privrednim subjektima koji se bave proizvodnjom trafo-kotlova i njegovih pripadajućih dijelova u BiH, te da u Klasifikaciji djelatnosti i nomenklaturi industrijskih proizvoda ne postoji proizvod pod nazivom „trafo-kotlovi“.

5. Utvrđeno činjenično stanje i ocjena dokaza

U skladu sa članom 4. stav (1) Zakona, zabranjeni su sporazumi, ugovori, pojedine odredbe sporazuma ili ugovora, zajednička djelovanja, izričiti i prešutni dogovori privrednih subjekata, kao i odluke i drugi akti privrednih subjekata koji za cilj i posljedicu imaju sprječavanje, ograničavanje ili narušavanje tržišne konkurencije na relevantnom tržištu, a koji se odnose na direktno ili indirektno utvrđivanje kupovnih i prodajnih cijena ili bilo kojih drugih trgovačkih uslova, ograničavanje i kontrolu proizvodnje, tržišta, tehničkog razvoja ili ulaganja, podjelu tržišta ili izvora snabdijevanja, primjenu različitih uslova za identične transakcije sa drugim privrednim subjektima, dovodeći ih u nepovoljan položaj u odnosu na konkurenciju,

zaključivanje takvih sporazuma kojima se druga strana uslovljava da prihvati dodatne obaveze koje po svojoj prirodi ili običajima u trgovini nisu u vezi sa predmetom sporazuma.

U smislu člana 4. stav (3) Zakona, predmetni sporazumi nisu zabranjeni ako doprinose unapređenju proizvodnje ili distribucije robe i/ili usluga unutar Bosne i Hercegovine, ili promociji ekonomskog razvoja i tehničkog razvoja, pri čemu potrošačima omogućavaju pravičan udio koristi koja iz njih proizilazi, a koji nameću samo ograničenja neophodna za postizanje ciljeva i ne omogućavaju isključivanje konkurencije u bitnom dijelu predmetnih proizvoda ili usluga.

U skladu sa članom 5. stav (1) Zakona, Konkurencijsko vijeće, na zahtjev jedne ili više stranaka u sporazumu /ugovoru može donijeti rješenje o pojedinačnom izuzeću od zabrane sporazuma, iz člana 4. stav (1) Zakona, ako sporazum / ugovor ispunjava uslove, iz člana 4. stav (3) Zakona.

Član 3. stav (1) tačka a) Odluke o grupnom izuzeću sporazuma između privrednih subjekata koji djeluju na različitim nivoima proizvodnje odnosno distribucije (vertikalni sporazumi) glasi:

„Grupno izuzeće se primjenjuje na vertikalne sporazume iz člana 7. stav (1) tačka b) Zakona, a posebno na:

a) Sporazume o isključivoj distribuciji kojima se dobavljač obavezuje na prodaju proizvoda i/ili usluga koji su predmet sporazuma samo jednom odobranom distributeru na određenoj teritoriji ili posebno određenoj grupi kupaca koja je isključivo dodjeljena tom distributeru.

Analizom predmetnog Sporazuma kao i Ugovora o regulisanju međusobnih odnosa koji je prethodio zaključenju Sporazuma, Konkurencijsko vijeće je utvrdilo da isti sadrže odredbe koje ograničavaju tržišnu konkurenciju, u smislu člana 4. stav (1) Zakona:

(..)**..

Konkurencijsko vijeće je pri ocjeni predmetnih Ugovora uzelo u obzir obrazloženje Podnosioca zahtjeva da će isti unaprijediti proizvodnju i distribuciju roba i usluga unutar Bosne i Hercegovine, a koji posebno navodi:

- prednosti u pogledu cijena
- uvođenje savremenih tehnologija u procesu proizvodnje

Konkurencijsko vijeće je ocijenilo da predmetni Sporazum, kao i Ugovor koji je prethodio zaključenju Sporazuma imaju odredbe sporazuma zaključenih između privrednih subjekata koji djeluju na različitim nivoima distribucije (vertikalni sporazum) - privrednog subjekta Jaegersberger GmbH Pernitz, Austrija i privrednog subjekta ČOSIĆPROMEX d.o.o., Usora, BiH - partnera u predmetnom Ugovoru.

Konkurencijsko vijeće je ocijenilo, iako predmetni Sporazum kao i Ugovor koji je prethodio zaključenju Sporazuma sadrže odredbe iz zabranjenih sporazuma (iz člana 4. stav (1) Zakona), da je Podnosilac zahtjeva u dovoljnoj mjeri argumentovao i dokazao ispunjenost Zakonom propisanih uslova za pojedinačno izuzeće predmetnog restriktivnog Ugovora od zabrane, budući da će isti doprinijeti unapređenju proizvodnje ili distribucije roba i/ili usluga u Bosni i Hercegovini, promociju tehničkog i ekonomskog razvoja, pri čemu će potrošačima omogućiti pravičan udio koristi koja iz njih proizilazi, jer se zaključivanjem i sprovođenjem predmetnih Ugovora nameću samo ograničenja neophodna za postizanje ciljeva i ne isključuju konkurencije u bitnom dijelu predmetnih proizvoda i/ili usluga, u smislu člana 4. stav (3) Zakona.

Konkurencijsko vijeće je također, pri donošenju odluke uzelo u obzir da se na teritoriji BiH trenutno niko ne bavi proizvodnjom trafo-kotlova i pripadajućih djelova, te da će imati pozitivne efekte za krajnje potrošače.

Budući da je članom 6. stav (2) Zakona utvrđeno da pojedinačno izuzeće ne može trajati duže od pet godina, a stavom (5) istog člana da pojedinačno izuzeće važi od dana zaključivanja sporazuma, slijedom toga Konkurencijsko vijeće je primijenilo navedene odredbe.

Na osnovu navedenog, Konkurencijsko vijeće je odlučilo kao u dispozitivu ovog Rješenja.

6. Administrativna taksa

Podnosilac zahtjeva na ovo Rješenje, u skladu sa odredbom člana 2. stav (1) tarifni broj 107. tačka a) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) je dužan platiti administrativnu taksu u iznosu od 2.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Rješenja nije dopuštena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednica

Maida Čampara